



# Synfocity = 799

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

January 21, 2021

## ☐ **Kristian Ṭhalai Pawl (KṬP) Bial Conference**

Kristian Ṭhalai Pawl (KṬP) Bial Conference chu January 22 - 24, 2021 chhung hian Bial hrang hrangah hman a ni ang. Amaherawhchu Hripui leng mek avangin kum dang angin hman a remchang lova, Bial Conference hman dan tur hi Bial committee-in ngaihtuahin a remchan dan anga hman ṭhin a ni a, churang chuan bial hrang hranga conference hman dan pawh a inang vek lem lo a ni. Tun ṭumah pawh hian zan lam programme awm lovin chhun lamah rorel inkhawm chiah te neih niin a remchan dan anga hman a ni dawn a, sawrkar dan zawm chungin fimkhur taka kalpui a ni ang.

Mizoram Presbyterian Kohhran chuan KṬP Bial Conference hi rualkhai taka hman anih theih nan a hun tur hi Synod-in ruahmanna siamin January thla Pathianni vawi 4-na hmanga neih ṭhin a ni.

## ☐ **Synod Mission Board leh ram pawn chet velna**

♦ **Nikum 2020 chhunga Mission Field hrang hranga ringthar neih dan hetiang hi a ni:**

<b>S.No</b>	<b>Field</b>	<b>Total</b>
1.	Arunachal & Assam Mission (East)	91
2.	Arunachal & Assam Mission (North)	96
3.	Arunachal & Assam Mission (West)	75
4.	Assam	67
5.	Barak	124
6.	Delhi	49
7.	Home Mission North	153
8.	Home Mission South	68
9.	Jharkhand	403
10.	Karbi Anglong	207
11.	Kolkata	1153
12.	Lucknow	70
13.	Masihi Sangati	1486
14.	Nepal	65
15.	Odisha	217
16.	Patna	35
17.	Siliguri	111
18.	Tripura	671
	<b>TOTAL</b>	<b>5141</b>

### ♦ **Siliguri Mission Field**

January 13, 2021 (Nilaini) khan Siliguri Mission Field-a Khatli Station chu Field Secretary Rev. Lalhruaitluanga'n a hawng. Khatli Station-ah hian kum 2010 khan ringtu neih ṭan niin, a khaw bul hnai a Missionary awm ten an lo enkawl tel ve ṭhin a, theih ang ang a hma lak niin kum 2019 khan he Biak In hi sak ṭan a ni a, kum 2020 khan missionary dah ṭan a ni a, tun dinhmunah kohhran member 16, Mipa 5 leh hmeichhia 11 an awm mek a ni.

January 17, 2021 (Pathianni) khan Basra Fellowship, Jaigaon Bial-ah ringthar mi 7 Lal Isua zui turin an inpe a. Basra hi Missionary Baby Lalrintluangi(L) thihsan tak Fellowship kha a ni.

### ♦ **Jharkhand Mission Field**

January 16, 2021 (Inrinni) khan Bedhia Fellowship, Jaruwadih Bial, member 30 awmna chu hawn a ni.

### ♦ **Masihi Sangati**

January 17, 2021 (Pathianni) khan Kolasib Venglai-ah Ringthar 4 Lal Isua zui turin an inpe.

January 17, 2021 (Pathianni) khan Vaivakawn Kohhran Jubilee building sa a thawk hnamdang mi 3 Lal Isua zui turin an inpe.

♦ **Arunachal & Assam Mission Field (North)**

January 17, 2021 (Pathianni) khan ringthar 2 Lal Isua zui turin an inpe.

♦ **Arunachal & Assam Mission Field (West)**

January 17, 2021 (Pathianni) khan Thrizino Bial-ah Bana Preaching Station thar hawna tluang taka neih a ni a. He hunah hian ringthar 11 Lal Isua zui turin an inpe.

♦ **Home Mission North**

January 17, 2021 (Pathianni) khan Marpara North Bial-a Purana Bazar-ah ringthar 6 Lal Isua zui turin an inpe.

♦ **Assam Mission Field**

January 17, 2021 (Pathianni) khan Guwahati Ramthar bial-ah ringthar 2 Lal Isua zui turin an inpe.

☐ **Synod Relief Fund**

Tun hnaia harsatna hrang hrang nei te hnenah Synod Relief Fund aṅging hetiang hian chhawmdawlna pek a ni.

<i>S.No</i>	<i>Khua</i>	<i>Pek chhan</i>	<i>Chhungkaw zat</i>	<i>Pek zat</i>
1.	Selam	Vanduaina tawk	1	Rs. 8,000/-
2.	Kawrtethawveng	Damlo	1	Rs. 8,000/-
3.	Hnahlan Vengthlang	Damlo	1	Rs. 8,000/-
4.	Bungthuam	In kang	1	Rs. 10,000/-
			<b>TOTAL</b>	<b>Rs. 34,000/-</b>

☐ **Zin**

♦ January 20 - 22, 2021 chhung hian Champhai-ah Synod Rescue Home committee hmangin Social Front Coordinator Pu R. Lalnuntluanga a kal.

♦ January 22 - 24, 2021 chhung hian Saitual Bial KṚP Conference hmanpui turin Synod Revival Director Rev. K. Rolungmuana leh Rev. Lalawmpuia, Revival Office te an kal ang.

☐ **Hruaina Eng FM Radio :**

**JANUARY 22, 2021 (FM Zoawi - Aizawl & Lunglei @ 7:30 p.m.):**

*Solo* : Baby Malsawmtluangi - Chhandamtu

*Zaipawl* : Kahrawt Kohhran Zaipawl - Chanchin Ṭha

*Thusawi* : Upa Lallianmawia - Krista Chanchin Ṭha puandarh

*Solo* : C. Lalrindiki - Mamawh chhanna

*Zaipawl* : Mission Vengthlang Kohhran Zaipawl - Kan puang zel dawn

☐ **Susamachar Prasaran Programme :**

**JANUARY 24, 2021 (Pathianni) 5:00 pm. :**

*Group/Choir/Solo* : Siyon Swaram - Tere Charno

*Group/Choir/Solo* : Chawnpui Kohhran - Saron Ka Gulab

*Sermon* : Rev. David Lalramliana Ralte

*Group/Choir/Solo* : Dawrpui Vengthar Pastor Bial - Yesu Masih

*Group/Choir/Solo* : LH Hindi School - Yesu MASIH

☐ **Moderator leh Executive Secretary-te Programme:**

**Rev. Dr. C. Lalhlira : Moderator**

Jan. 27, 2021 MSSU Executive Committee meeting

Jan. 28, 2021 SL&PB meeting

**Rev. Lianhmingthanga Sailo : Senior Executive Secretary**

Jan. 22 & 23, 2021 Saitual Pastor Quarters hmun thar en fel

Jan. 29 & 30, 2021 Chhim Area Committee meeting, Lunglei

**Rev. B. Sangthanga : Executive Secretary**

Jan. 28, 2021 SL&PB Executive Committee meeting

**Rev. K. Lalrinmawia : Executive Secretary**

Jan. 27, 2021 MPF committee meeting

**HNA RUAK DIL THEIH**

Mizoram Presbyterian Kohhran hnuaiah a hnuaia hnate hi a ruak a, kum 18 - 35 inkar, ni 16.2.2021-a kum 18 tling, kum 35 la pumhlum lo, zuk leh hmuama fihlim, Presbyterian Kohhran mi tan dil theih a ni. Hna dilna Form chu ni 18.1.2021 (Thawhtanni) atangin Synod Office (Aizawl leh Lunglei)-ah lakchhuah theih a ni ang. Dilna hi Synod Office, Aizawl-ah thehluh tur a ni a. Application form man Rs. 20/- a ni. Hna dilna Form-ah hriat tur pawimawh tihlan a ni.

1. Hna hming : **Assistant Coordinator (Regular), Synod Office Post - 2**  
 Thiamna : Graduate of any recognised university  
 Hlawh : PM L-8, Rs. 19,300/-
2. Hna hming : **Assistant Manager (Contract), Synod Press Post - 1**  
 Thiamna : Diploma in Printing Technology from any recognised university or  
 Graduate in Commerce from any recognised university  
 Hlawh : Rs. 19,300/- fixed.

Dil theih hun chhung : Dt. 16.2.2021 (Thawhlehi), 3:00pm thleng

Screening test/exam : Dt. 22.2.2021 (Thawhtanni), 10:30 am

Interview : Dt. 2.3.2021 (Thawhlehi), 11:00am

*Sd/-*

Rev. Lianhmingthanga Sailo  
 Secretary, Synod Service Board  
 Synod Office

**CIRCULAR NO. 42 OF 2021**  
**(Kohhran Inkhawm chungchang)**

Covid-19 hripui leng avangin March 22, 2020 atangin thla sawm emaw lai chu Kohhran Inkhawm neih theih a ni lo va. Tunah hian Sawrkarin Inkaihhraina (Standard Operating Procedure) siam tharin February 2021 atang chuan Inrinni leh Pathianni chhunah Kohhran Inkhawm neih theih a ni dawn a. Hemi chungchang hi Synod Officers' Meeting (OM) chuan a ngaihtuah a. Kan Kohhran chuan Pathianniah Inkhawm kalpui tur a ni ang a. '*Chhun*' tih hian '*Khaw en chung*' a huam niah a ngai a. Hemi chhunga Inkhawm kalpui dan tur chu Tualchhung Kohhranin an mahni remchan dan leh tha bera an hriat ang theuha rel mai turah a ngai a ni (*Vide OM 3:27 of 20.01.2021*).

Inkhawm zai leh zai loh thuah chuan Sawrkarin Kaihhraina a siam zui ni se, Inkhawma telte hripui inkaidarh theihna tur lakah kan him theihna turin fimkhur leh uluk taka ruahmanna siamin inkhawm kalpui theuh turin Kohhran tinte kan ngen a ni.

Lehkha hi a pangngaia thawnin a tlai dawn avangin Synfo kal tlanga hriattirna hi Official-a lo pawma hma lo la nghal turin Kohhran tinte kan ngen e.

*Sd/-*

**Upa Lalrinmuana**  
 Secretary  
 Mizoram Synod